

DYMM Tuanku Syed Faizuddin Putra Ibni Tuanku Syed Sirajuddin Jamalullaili, Pemangku Raja Perlis, Canselor KUKUM Dan DYTm Tuanku Hajjah Lailatul Shahreen Akashah, Raja Puan Muda Perlis telah sudi bercemar duli berangkat ke majlis Makan Malam Bersama Tuanku Canselor anjuran Kolej Universiti Kejuruteraan Utara Malaysia pada 26 Januari 2006.

Majlis Makan Malam Bersama Tuanku Canselor tersebut yang diadakan di Kelab Golf Putra, Sg. Batu Pahat bertujuan untuk memperkenalkan ketua-ketua jabatan KUKUM dan juga anggota baru keluarga KUKUM kepada Tuanku Canselor. Malam yang bertepatan 70an yang disambut secara sederhana telah diserikan dengan persembahan nyanyian, kebudayaan dan poco-poco oleh warga dan pelajar KUKUM sendiri. Bagi memeriahkan lagi majlis pada malam itu, KUKUM telah mengundang penyanyi yang terkenal di era 80an, Najib Hanif.

“TEMA 70AN MEMERIAHKAN LAGI MAJLIS MAKAN MALAM BERSAMA TUANKU CANSELOR”

Menurut Lt. Kol. Prof. Dato’ Dr. Kamarudin, Rektor KUKUM berkata, KUKUM kini mempunyai 36 buah jabatan dan unit yang akan menjana ke arah kecemerlangannya sebagai sebuah institut pengajian tinggi awam yang disegani dalam usaha melahirkan jurutera yang berkemahiran tinggi. Dengan kewujudan 36 buah jabatan dan unit ini, 36 orang ketua jabatan akan memikul tanggungjawab yang besar lagi berat.

“Harapan saya, ketua jabatan perlu memainkan peranan sebagai pemangkin dalam usaha ke arah mencapai misi KUKUM. Ketua jabatan juga perlu menjalin satu bentuk rangkaian kerja yang mantap dengan seluruh warga kerja KUKUM supaya usaha membangunkan KUKUM yang cemerlang dapat direalisasikan”.

Makan Malam Bersama Canselor

